

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին
12.10.2020թ. թիվ 2011744427 որոշումն անփոփոխ, իսկ վարչական բողոքն առանց
բավարարման թողնելու մասին

<< 09 >> 12 2020թ. 7-13- 15299

ք.Երևան

Ճանապարհային ոստիկանության պետ, ոստիկանության գնդապետ
Ե.Կարապետյանս, վերանայելով Ռոբերտ Ալավերդյանի ՄԴ/151028-20 դիմումի
քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կենտրոն վարչական շրջանի Չարենցի փողոցի 1-ին նրբանցքի
47-րդ տան բնակիչ Ռոբերտ Ալավերդյանը դիմումով իր անհամաձայնությունն է հայտնել
Ճանապարհային ոստիկանության թիվ 2011744427 որոշմանը՝ նշելով, որ իր դիմացից
ընթացող ավտոմոբիլը կանգնել էր խաչմերուկում և ստիպված շրջանցել է նրան այլ ոչ
թե վազանց կատարել:

Դիմումի քննարկման արդյունքում պարզվել է, որ դիմումատուի փաստարկը
վարչական ակտը բեկանելու հիմք չի կարող հանդիսանալ՝ հետևյալ
պատճառաբանությամբ.

<< կառավարության <<Ճանապարհային երթևեկության կանոնները և
տրանսպորտային միջոցների շահագործումն արգելող անսարքությունների ու
պայմանների ցանկը սահմանելու մասին>> 28.06.2007թ. թիվ 955-Ն որոշման 77-րդ
կետի համաձայն՝ վազանց արգելվում է՝ խաչմերուկներում, հետիոտնային անցումների
վրա, երկաթուղային գծանցների վրա և մինչև 100 մ դրանցից առաջ, եթե վազանցվող
տրանսպորտային միջոցի վարորդը կատարում է վազանց կամ շրջանցում է արգելքը,
թունելներում, էստակադների, կամուրջների, ուղեկամուրջների վրա և դրանց տակ,
ինչպես նաև ճանապարհների նեղացումներում, կապույտ գույնի առկայծող փարոսիկ և
հատուկ ծայնային ազդանշան միացրած տրանսպորտային միջոցին, եթե վազանցվող
տրանսպորտային միջոցը երթևեկում է կապույտ և կարմիր գույների առկայծող
փարոսիկներ ու հատուկ ծայնային ազդանշան միացրած վիճակում կամ ուղեկցվում է
այդպիսի տրանսպորտային միջոցներով, վերելքի վերջում և ճանապարհի
սահմանափակ տեսանելիությամբ հատվածներում, երբ վազանցը կատարվում է
հանդիպակաց երթևեկության գոտի դուրս գալով:

Ճանապարհային ոստիկանության թիվ 2011744427 որոշման հիմքում դրված
իրավախախտումն ամրագրած տեսանյութը հստակ փաստում է, որ դիմումատուին
պատկանող տրանսպորտային միջոցը 18.09.2020թ. ժամը 15:15-ին Երևան քաղաքի
Թամանյան – Իսահակյան փողոցների խաչմերուկում կատարել է վազանց, հետևաբար
առկա են Վարչական իրավախախտումների վերաբերյալ << օրենսգրքի 124-րդ
հոդվածի 8-րդ մասի զանցակազմի հատկանիշները:

Ելնելով վերոգրյալից և ղեկավարվելով Վարչական իրավախախտումների
վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 12.10.2020թ. թիվ 2011744427 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ռոբերտ Ալավերդյանին:



Ե.Կարապետյան

Կատարող՝ Հ. Կարապետյան
Հեռ. 011-54-47-83